

ISSN 2091-5594

UZLUKSIZ TA'LIM



ILMIY-USLUBIY JURNAL

Maxsus son



Toshkent - 2020

«MAKTABGACHA TA'LIM» KAFEDRASI ISTIQBOLLAR BO'SAG'ASIDA

Bugungi kunda mamlakatimizda uzlusiz ta'limning bosh bo'g'ini bo'lgan maktabgacha ta'lim tizimiga alohida e'tibor berilmoqda. Darhaqiqat, inson hayotida maktabgacha bo'lgan davr o'ziga xos ahamiyatga ega va u kelajakda erishiladigan yutuqlar va muvaffaqiyatlarga asos bo'ladi. Shu boisdan 90 yillik tarixga ega bo'lgan Buxoro davlat universitetida ham 2018 yil 6-aprelda Maktabgacha va boshlang'ich ta'lim fakulteti negizida "Maktabgacha ta'lim" kafedrasi tashkil etildi.

Ayni kunlarda "Maktabgacha ta'lim" yo'nalishida bakalavr va magistratura bosqichlarida ta'lim-tarbiya jarayoni olib borilmoqda. Kafedrada jami 25 ga yaqin professor-o'qituvchilar ilmiy-pedagogik faoliyat olib bormoqdalar. Ular orasida fan nomzodlari, dotsent va kata o'qituvchilar bo'lajak tarbiyachilarining o'z kasbining fidoysi bo'lib yetishishlari va yosh assident o'qituvchilarining pedagogik jarayonlarga moslashishi uchun imkon qadar yordam berib kelmoqdalar.

Respublikamizda ta'lim tizimi samaradorligini oshirish bo'yicha olib borilayotgan islohotlar natijasida "Maktabgacha ta'lim" yo'nalishi talabalari bir qancha tanlovlarda faol ishtirok etishmoqda.

Ilg'or xalqaro tajribalarni ta'lim jarayoniga tadbiq etish maqsadida "Maktabgacha ta'lim" kafedrasi bir qancha xorijiy davlatlar universiteti bilan hamkorlik qilib kelmoqda. Jumladan, Rossianing Janubiy Ural gumanitar-pedagogika universiteti bilan hamkorlik ishlari bugungi pandemiya sharoitida ham davom etib kelmoqda. Universitet professor-o'qituvchilari tomonidan dars mashg'ulotlari, master klasslar, ilmiy tadqiqotlar olib borish bo'yicha samarali ishlar tashkil qilingan va onlayn tarzda olib borilmoqda. Qolaversa, kafedra Maktabgacha ta'lim vazirligi bilan ham memorandum imzolagan.

Bugungi kunda kafedrada O'zbekiston Respublikasi oliy ta'lim tizimini 2030 yilgacha rivojlantirish konsepsiyasida ko'zda tutilgan raqamli iqtisodiyotga mos ta'lim jarayonini zamонави多媒体 texnologiyalari asosida joriy etish, ilg'or xorijiy davlatlar tajribasidan unumli foydalaniib ilmiy, ilmiy-pedagogik faoliyat samaradorligini oshirish va albatta ilmiy salohiyatni yuksaltirish bo'yicha salmoqli ishlar amalga oshirib borilmoqda.

TA'LIM MAZMUNI UZLUKSIZLIGI

3 O.X.Xamidov

Oliy ta'limga mukammolari integatsiyasining asosiy tendensiylari va muammolari

9 Q.R.To'xmonov

Uzluksiz ta'limga tizimida sharq mutafakkirlarining «ilm olmoq» ta'limoti mohiyati

13 G.O.Hasanova

Maktabgacha ta'limga tashkilotlarida innovatsion pedagogik texnologiyalarning qo'llanilishi

17 M.M.Nigmatova

Mashg'ulotlarda zamonaviy o'quv vositalaridan foydalanish

21 G.Kamilova, G.Kurbanova

Maktabgacha ta'limga muassasalarida ekologik tarbiyani tashkil etishga integrativ yondashuv

25 Z.B.Jalilov, N.H.Azimova, S.Rahmonova

Ta'limga muassasalarida estetik tarbiyani amalga oshirishning pedagogik shart-sharoitlari

29 S.S.Avezov

O'qituvchi nutq madaniyati kompetentligi

33 G.U.Umarova

Bojalarning iqtisodiy biliimdonligini rivojlantirishda matematik tasavvurlarni shakllantirish mashg'ulotlari

38 D.Sh.Mirzayeva

Maktabgacha ta'limga uzluksiz ta'limga poydevari

42 D.Sh.Eshova, N.N.Hamroyeva

Bolalar nutqini o'stirishda o'yinlar va sahnalashtirish faoliyatining ahamiyati

46 M.Y.Ro'tibayeva, Ch.T.Xemrayerova

Ta'limga xalq ertaklarining tarbiyaviy ahamiyati va ularni o'rgatishning innovation usullari

MA'NAVIV TARBIYA

50 G.Sh.Rahmonova

Shaxs kamolotida bo'lajak o'qituvchining ma'naviy-axloqiy va pedagogik kompetentsiyalarini shakllantirish

55 M.B.Sharipova

O'quvchi-yoshlar tarbiyasida o'limas an'ana marosimlarning ahamiyati

59 G.B.Erzhanova

Lichnostiye otnochenie usloviy uchebnoy i professionalnoy deyatelnosti uchiteley

64 C.D.Niazova

Rol' igry v ekologicheskem obrazovaniyu doshkol'nikov

69 J.G.Rasulova

Formirovaniye elementarnykh matematicheskikh predstavlenii u doshkol'nikov cherez didakticheskie igry

74 Sh.Sh.Nizomova

Maktabgacha yoshdag'i bolalar nutqini rivojlantirishda tovuh tizimini shakllantirish

78 H.X.Rakhimova

Osnovnye organizatsii i povedeniye didakticheskikh igry s detyami staryshego doshkol'nogo vekra

84 H.A.Xamraeva

Metody ispol'zovaniya inovatsionnykh tekhnologij na urokih russkogo jazyka i literatury

90 N.S.Turdiyeva, Z.M.Ashurova

O'z-o'zini turbiyalash borasidagi ajfdodlarimiz qarashlari

KASBGA YO'NALTIRISH VA PSIXOLOGIK XIZMAT

94 G.L.Niazova, N.Ikramova

Rol' metodicheskoy sluzhby v razvitiyi professional'noy kompetentnosti pedagoga DOU

99 J.T.Ochilova, J.Ch.Rajabova

Matematika mashg'ulotlarda didaktik o'yinlardan foydalanishning ahamiyati

103 F.F.Nurullayev, N.A.Ukramova

O'ilada sog'iom, ma'naviy-axloqiy muihit

107 Sh.H.Qutieva, A.A.To'raev, F.Sh.Avezova

Tizimli yondashuv asosida bo'lajak o'qituvchilarni kasbiy-pedagogik tayyorgartigini shakllantirish



O'QITUVCHI NUTQ MADANIYATI KOMPETENTLIGI

S.S.AVEZOV,
BuxDU dotsenti, f.f.n

Inson boshqa mayjudotlarjan tili, nutqi orqali farq qiladi. Insoniyatning mazkur nutq jarayoni ham o'ziga xos qonuniyatlarga ega. Maqolada nutq va uning ijtimoiy ahamiyati, nutq madaniyati va uning xususiyatlari, so'zning nutq jarayonidagi o'rni, Sharq notiqlik san'atining namoyondalari, o'qituvchi nutq fazilatlari va uning yosh avlod kamolotiga ta'siri haqida so'z boradi.

Tayanch so'zlar: nutq, so'z, nutq madaniyati, milliy mentalitet, Notiqlik san'ati, notiq (va 'zxon yoki voiz), o'qituvchi nutqi, o'qituvchi va o'quvchi faoliyatida nutq.

Человек отличается от других существ языком и речью. Этот процесс человеческой речи также имеет свои законы. В статье рассматривается речь и ее социальная значимость, культура речи и ее особенности, роль речи в речевом процессе, представители искусства восточной речи, качества педагогической речи и ее влияние на развитие подрастающего поколения.

Ключевые слова: речь, слово, культура речи, национальный mentality, публичное выступление, оратор (проповедник или проповедник), речь учителя, деятельность учителя и ученика.

Man differs from other beings in language and speech. This process of human speech also has its own laws. The article discusses speech and its social significance, speech culture and its features, the role of speech in the speech process, representatives of the art of Oriental speech, the qualities of teacher speech and its impact on the development of the younger generation.

Keywords: speech, word, speech culture, national mentality, public speaking, speaker (preacher or preacher), teacher speech, teacher and student activities.

Nutq-inson tafakkuri mahsuli. U o'zining ongli, mazmunan sermahsul va jozibador nutqi bilan jamiyatda o'rinn topadi. Xususan, siyosiy, iqtisodiy va ma'nnaviy jihatdan betinim rivojlanib borayotgan yangi demokratik jamiyatimizda shaxs kamoli, uning yuksak madaniyati va milliy xarakter xususiyatlari, milliy mentalitetga ega yangicha dunyoqarashi bilan alohida mas'uliyat kasb etadi.

Nutq madaniyati –so'zlovchining nutq jihatdan kompetentli mahoratini, o'zaro kommunikativ munosabatda ona tilimizdan o'rinni, to'g'ri, mantiqli, jo'yali, ifodali va ta'sirchanlik ruhida foydalanan mazmunini tashkil etadi. O'qituvchi nutqning bu kommunikativ sifatlarini egallash uchun o'ziga nisbatan juda katta mas'uliyatbva talabchanlikni amalga oshirib borishi lozim. Inson bu ko'hna olam qo'ynida yashar ekan, u shu jamiyat kishilari bilan muloqotga kirishib munosabat



ko'rsatishga majburdir. Zero, har bir insonning boshqalar yoki ko'pchilik bilan munosabati nutq orqali yuzaga chiqadi, shu asnoda uning aql-zakovati, madaniyati va ma'naviyati namoyon bo'ladi. Til asl ma'noda moddiylik kasb etadi (lug'aviy ma'nesi – nutq a'zosi hisoblanib, kishilarda nutq tovushi hosil qiladigan vosita), ikkinchi ma'nesi ham madaniyatga taalluqli bo'lib, u ajdodlarimizdan bizlarga chiqadi yetib kelgan ma'naviy meros sanaladi. Yoxud o'zbek tilidagi lug'at- so'z manbasining umumiy yig'indisidir. Uchinchi ma'nesi ijodiy mazmun kasb etib, so'z manbasidan qanday va qay tarzda foydalaniib, nutq faoliyatimizdagi xatti-harakatimiz, aql-zakovatimiz, ruhiy holatimizni ifoda etuvchi jarayon anglashiladi. Ko'rinaliki, ikki manba faoliyat doirasi asosida so'z yotadi. O'qituvchi nutqining asosini til tashkil etadi. So'z – inson faoliyati, hayoti uchun to'g'ri, aniq ma'no kasb etib muomala- munosabatda qo'llansagina, u jon oladi, "tiriladi". So'z - muomala, suhbatda qatnashmasa, umri qisqarib boradi. Demak, har bir so'z ham inson kabitidir, lekin insondan ko'p yashaydi, uning mehri bilan avloddan-avlodga meros bo'lib qolaveradi. Shuning uchun so'z ma'nosini his qilish, uning kuch-qudratini anglash, u orqali bir-biriga ijobiy ta'sir ko'rsata olish esa inson madaniyati darajasini belgilaydi.

Nutq madaniyati uzoq tarixiy taraqqiyotga ega. Uning yuksak namunasi notiqlik san'ati bo'lib hisoblanadi. O'qituvchi nutqi samarasini o'z fikrini aniq va teran yetkazib berishda sanaladi. Bu esa o'quvchilar, kasbdoshlar va atrofdagi kishilar bilan o'zaro munosabatida ayonlashadi.

Notiqlik san'ati O'rta Osiyoda ham keng tarqalgan san'at turlaridan biri sanaladi. Ular orasida buyuk qomusiy olimlar A. Beruniy, A. Forobi, Ibn Sino, Al-Xorazmiy, Mahmud Qoshg'ariy, Zamashshariy, Sakkociy til, lug'at, grammatika va mantiqqa doir ilmiy asarlar yaratganlar. Bular o'z navbatida notiqlik san'ati rivojlanishiga ham munosib hissa qo'shishgan. Chunonchi, Beruniy asarlarida nutqni ikki xil yo'l bilan ifodalash – nasr va nazmda namoyon etish mumkinligini bildirsa, Forobi grammatika va mantiq fanlarining nutqdagi o'mi va ahamiyatini izohlaydi.

Sharq notiqlik san'atining namoyondalaridan biri Kaykovusdir. U o'zining mashhur asari "Qobusnama" bilan taniqli. Kaykovusning ushbu asari XI asr Sharq pedagogikasining nodir boyligi bo'lishi bilan bir qatorda, bu asarda notiqlik haqida ham nozik fikrlar bayon etilgan. Asarining "Suxandonlik bilan baland martabaga ega bo'lish haqida" deb nomlangan yettinchi bobida va hunarni egallahsha bag'ishlangan oltinchi bobida notiqlik sirlariga doir bildirilgan mulohazalar nafaqat o'sha davrda, balki hozirda ham katta ahamiyatga ega. U: "Notiqliknegallash yo'li, birinchidan, tinimsiz mehnat qilishdir, deydi, – ikkinchidan, nutqing go'zal bo'lsin. So'zining ikki tomoni bordir. Biri go'zal tomoni,



ikkinchisi xunuk tomonidir. Xalq oldida gapiradigan so'zing go'zal bo'lsin, bu so'zni xalq qabul kilsin".

O'zbek muntoz adabiyotining ulkan namoyandasasi, so'z mulkining sultoni Alisher Navoiy butun ijodi bilan o'zbek tilining boyligi, naqadar go'zalligi, jozibadorligi, chuqur ma'nno kasb etishini namoyon etdi. Shoirning "Agar shohsen sen –ogohsen sen, agar ogohsen sen –shohsen sen" degan dono fikrida ham tilimizdagi so'z qadrini qanchalik yuksak darajada egallagan insoning shoh darajada bo'lishini anglash mumkin. U notiq (va'zxon yoki voiz) nutqidan inson hamisha ta'sirchan bo'lishini ta'kidlaydi: "Va'xon shunday bo'lishi kerakki, uning majlisiga kirgan odam to'lib chiqsin, to'la kirgan odam esa yengil tortib, holi qaytsin". Uning voiz qanday bo'lishi haqidagi fikri ham ahamiyatlidir: "Voiz xaq so'zni targ'ib qilishi, Payg'ambar so'zidan chetga chiqmasligi kerak, eng avval uning o'zi xaq va shu yo'lga solishi lozim. O'zi yurmagan yo'lga elni boshlamoq –musofirmi yo'lidan adashtirib biyobonga tashlamoq va sahroda uni yo'qotmoqdir. O'zi mastning elni hushyorlikka chaqirishi - uyquchi kishining odamlarni bedorlikka da'vat etganiga o'xshash bir narsadir." Demak, voiz, avvalo, o'zi shariat va tariqat yo'liga kirgan notiq bo'lishi kerak ekan.

Navoiy davrining yuksak voizi, zamondoshi Mavlono Husayn Voiz Koshifiyidir. O'zining "Futuvvatnomai Sultoniy yoxud javonmardlik tariqati" asarida shunday yozadi: "Bilgilki, odamzodning sharafi nutqi bilan va nutq odobiga rioya qilmagan odam, u sharafdan bebahradir. So'z hamma vaqt savob uchun ishlatilishi, to'g'ri va haqqoniy bo'lishi kerak. Notiq so'zlovchilarni ikki guruhga ajratadi: 1. Martabaga erishganlar. 2. Martabaga erishmaganlar.

Martabaga erishgan ulamolar (olimlar, oriflar-SA) nutqda so'z o'mi va qadrini aniq biladiganlar hisoblanib, ular quyidagi qoidalarga rioya qilishlari zarur. Birinchidan, har kimning ahvoliga qarab, munosib so'z aytisin. Ikkinchidan, dag'allik qilmasdan lutf va muloyimlik bilan gapirsin. Uchinchidan, gapirayotganda tabassum qilib, ochilib gapirsin. To'rtinchidan, ovozini baland ko'tarmasin, eshituvchilarga malol keltirmaydigan qilib gapirsin. Beshinchidan, odamlarga nafi tegadigan ma'noli gaplarni gapirsin. Oltinchidan, agar so'zning qadr-qimmati bo'limasa, uni tiliga olmasin, chunki ulug'larning so'zi barnisoli urug'dir, agar urug' puch yoki chirigan bo'lsa, uni yerga eksang unib chiqmaydi" –deb ko'rsatadi.

Martabaga erishmaganlar ko'pchilikni tashkil etib, endigina nutq fazilatlarini o'rganayotgan kishilardir. Ular quyidagi suhabat va nutq odobi qoidalarga rioya qilishlari zarur: birinchidan, so'zlamaganlarga gapirmsasin. Ikkinchidan, so'zlayotganda ovozini baland ko'tarmasin. Uchinchidan, gapirayotganda o'ngu so'lga qaramasin. To'rtinchidan, g'arazli va kinoyali gaplarni gapirmsasin. Beshinchidan, qattiq gapirmsasin va betgachoparlik qilmasin. Oltinchidan,



pushaymon bo'lmaslik uchun o'ylab gapirsin. Yettingidan, odamlarning gapini bo'lib gap qaytarmas. Sakkizinchidan, ko'p gapirmas, chunki ko'p gapirish aqli noqislik belgisidir. Oz bo'lsa ham soz gapirishni shior etsin".

O'zbek adabiyotida ham o'z asarlari va nutq irod qilish mahorati bilan mashhur adiblar anchagina. Ular orasida Behbudi, A. Avloniy, A. Qodiriy, Fitrat, Cho'lon, G. G'ulom, Oybek, X. Olimjon, M. Shayxzoda, A. Qahhorlar nomini ehtirom bilan tilga olmoq lozim. Keyingi yillarda esa S. Ahmad, Odil Yoqub, P. Qodirov, E. Vohidov, A. Oripov, Sh. Xolmirzaev, O'tkir Hoshimov, Tog'ay Murod kabi adiblar ham o'z asarlari bilan xalq orasida shuhrat qozonganlar.

Birgina H. Olimjonning "Men o'zbek xalqi nomidan so'zlayman" maqolasida butun xalqni dushmanga qarshi kurashga da'vat etuvchi so'zları nihoyatda ta'sirlidir: "Qadim o'zbek yigitlari uzoq safarga otlanganlarida o'zları bilan bir siqim ona tuproqni ham olib borganlar. Bu tuproq ularni xatarlardan himoya qilgan, ularni o'q o'ldira olmagan, nayza tesha olmagan, o'tdan olib o'tga tashlaganda ham omon saqlagan". Bir siqim tuproq-Vatan timsoli, yurt himoyasi uchun fidoyilik ramzi ekanini his qilish qiyin emas.

Xullas, yuqorida fikrlardan aniqlash mumkinki, nutq madaniyati kompetentligi insonning jamiyatdagi o'mini topishda, shaxs va mutaxassis sifatida faoliyat ko'rsatishga erishtiradi. O'qituvchi nutq madaniyati kommunikativ sifatlari, iqtidori yosh avlod taraqqiyotida munosib ta'sirga ega.

Foydalilanilgan adabiyotlar:

1. Kaykovus. Qobusnoma. To'ldirilgan 2 - nashri. Toshkent: "Istiqlol", 1994-78-b.

2. Husayn Voiz Koshifiy. "Futuvvatnomai Sultoniy yoxud javonmardlik tariqati". 1993, T, A Qodiriy nomidagi xalq merosi nashriyoti, fors tojik tilidan N. Komilov tarjimas 3-8-betlar.

3. H.Olimjon "Tanlangan asarlar", Adabiyot va san'at nashriyoti, 1-tom 1961-yil 76-b.

